

0.0.1 sutavāparibbājakasuttaṃ

1. evaṃ me sutam, ekaṃ samayaṃ bhagavā rājagahe viharati gijjhakūṭe pabbate. atha kho sutavā paribbājako yena bhagavā tenupasaṅkami, upasaṅkamitvā bhagavatā saddhiṃ sammodi, sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho sutavā paribbājako bhagavantam etada-voca:

2. ekamidaṃ bhante, samayaṃ bhagavā idheva rājagahe viharati giribbaje, tatra me bhante, bhagavato sammukhā paṭiggahītaṃ "yo so sutavā¹ bhikkhu ara-
ham khīṇāsavo vusitavā katakaraṇīyo ohitabhāro anup-
pattasadattho parikkhīṇabhavasaññojano sammadañña
vimutto, abhabbo so pañcaṭṭhānāni ajjhācaritum. abhabbo
khīṇāsavo bhikkhu sañcicca pāṇaṃ jīvitā voropetum,
abhabbo khīṇāsavo bhikkhu adinnaṃ theyyasaṅkhā-
taṃ ādātum, abhabbo khīṇāsavo bhikkhu methunaṃ
dhammaṃ paṭisevitum, abhabbo khīṇāsavo bhikkhu
sampajānamusā bhāsītum, abhabbo khīṇāsavo bhik-
khu sannidhikāraṃ kāme paribhuñjitum, seyyathāpi
pubbe agārikabhūto'ti. " kacci metaṃ bhante, bhaga-
vato sussutaṃ suggahītaṃ sumanasikataṃ sūpadhā-
ritanti.

¹sutam syā.

3. taggha tetam² sutavā, sussutam suggahītam su-manasikataṃ supadhāritaṃ. pubbevāhaṃ sutavā, etarahi ca evaṃ vadāmi. "yo so bhikkhu arahaṃ khīṇāsavo vusitavā katakaraṇīyo ohitabhāro anuppattasadattho parikkhīṇabhavasaññojano sammadaññāvimutto. abhabbo so navaṭhānāni ajjhācaritum: abhabbo khīṇāsavo bhikkhu sañcicca pāṇaṃ jīvitaṃ voropetum, abhabbo khīṇāsavo bhikkhu adinnaṃ theyyasaṅkhātaṃ ādātum, abhabbo khīṇāsavo bhikkhu methunaṃ dhammaṃ paṭisevitum, abhabbo khīṇāsavo bhikkhu sampajānamusā bhāsītum, abhabbo khīṇāsavo bhikkhu sannidhikārake kāme paribhuñjitum, seyyathāpi pubbe agārikabhūto.

4. abhabbo khīṇāsavo bhikkhu buddhaṃ paccakkhātum³ abhabbo khīṇāsavo bhikkhu dhammaṃ paccakkhātum⁴ abhabbo khīṇāsavo bhikkhu saṅghaṃ paccakkhātum⁵ abhabbo khīṇāsavo bhikkhu sikkhaṃ paccakkhātum⁶ pubbevāhaṃ sutavā, etarahi ca evaṃ vadāmi: yo so bhikkhu arahaṃ vusitavā katakaraṇīyo ohitabhāro anuppattasadattho parikkhīṇabhavasaññojano sammadaññā vimutto. abhabbo so imāni navaṭhānāni ajjhācaritunti.

²te etaṃ machasaṃ.

bjt page 398

³paccācikkhitum, sīmu chandagatiṃ ganatum machasaṃ.

⁴paccāvikkhitum, sīmu dosāgatiṃ ganatum machasaṃ.

⁵paccāvikkhitum, sīmu mohāgatiṃ ganatum machasaṃ.

⁶paccāvikkhitum, sīmu bhayāgatiṃ ganatum machasaṃ.

pts page 371